



**Inuit innarluutilit tapersorneqarnissaannut Inatsisartut Inatsisaata allanngortinneqarnernissaa siunertaralugu, Naalackersuisut Inatsisartut Inatsisaannik saqqummiusseqqullugit peqquneqarnissaannik Inatsisartut aalajangiiffigisassaattut siunnersuut. Inatsimmik allanngortitsinermi angajoqqaat, angajoqqaatut sinnisut ilaqtariillu namminerisaminnik ikiorseqarnissamut pisinnaatitaanerat §8-mi allassimasunnngortinneqassaaq. Inatsisartut Inatsisissaattut siunnersuut kingusinnerpaamik UPA2024-mi saqqummiunneqassaaq.**

(Inatsisartunut ilaasortaq Agathe Fontain, Inuit Ataqtigiit)

(Siullermeerneqarnera)

Qujanaq Inatsisartunut ilaasortamut Agathe Fontain siunnersuummut , Demokraatiniit annertuumik iluarinartitatsinnut.

Meeqqat inuuneranni inuit pingaarnepaat tassaapput angajoqqaat ilaqtutallu qanigisat. Tassanilu meeraq toqqisisimanermik asanninnermillu pislarluni. Tamanna eqqaamassallugu pingaartuuvoq.

Meeraq timikkut imaluunniit tarnikkut innarluutilik meeqqanit allanit tapersorneqarnissaminik pisariaqartitsineruvoq. Tassani Demokraatit isumaqarput, pitsaanerpaamik tapersersuisussat tassaasut angajoqqaat imaluunniit ilaqtutat qanigisat.

Siunnersuuteqartup uuminnga siunnersuuteqarnermini qulakkeerusuppaa, angajoqqaat imaluunniit ilaqtutat qanigisat allat inummut innarluutilimmut ikiorneqarnissaminnut pisinnaatitaaffeqarnissaat.

Tassunga atatillugu aamma eqqarsaatigissallugu pingaartuuvoq, meeqqamut innarluutilimmut angajoqqaajusut amerlanertigit meeqqat paaqqineqarneranut nukitik atortarmatigit, aammalu meeqqamik pissutsini pitsaasuni inissisimanissaa qulakkiissallugu soorlu assersuutigalugu atuarneranut tunngatillugu. Kingunereratarsinnaavaa, tamakkiisumik suliffimmik paarisaqarnissaq ajornarsinnaasoq. Taakku angajoqqaat ullumikkumiit annertumernik ikiorneqartariaqarlutillu tapersorneqartariaqarput.

Periarfissaq unaasinnaavoq, taakku angajoqqaat isertitassaraluminnik annaasaqarneranni ajunngitsorsiasaqaartinneqarnissaminnut pisinnaaffeqartinneqartut, aammali aaqiissutissanik allanik eqqarsartoqarsinnaalluni.

Qanorilioraluaruttaluunniit, Demokraatiniit isumaqarpugut, isumassarsialsialaasoq, inatsit aqputigalugu qulakkeerutsigu, angajoqqaat meeqqanut timikkut tarnikkullu innarluutilinnut inatsisitigit piumasqaataalissasoq meeqqap isumassorneqarneranut eqqortumik ikiorserneqarlutillu tapersorneqarnissaat.



Demokraatit siunnersuut Ilaqutariinnermut- aamma Peqqissutsimut ataatsimiitaliami suliareqqinneqarnissaa innersuussutigaat.